

Na osnovu Zakona o Agencijama za zaštitu ljudi i imovine (Službene novine Federacije Bosne i Hercegovine broj 78/08 i 67/13), UGOVORNE STRANE:

1. Davalac usluga: UNILAB d.o.o. Sarajevo, Agencija za zaštitu ljudi i imovine;
PDV broj: 200054160007;
koga zastupa Izvršni direktor Amer Muhić;

2. Korisnik usluga: AKADEMIJA LIKOVNIH UMJETNOSTI -Sarajevo,
ID/ broj: 4200425750007,
koga zastupa dekan, prof. mr. Marina Finci ;

sklopile su:

UGOVOR br. FZ- 900118

I- PREDMET I OPŠTE ODREDBE UGOVORA

član 1.

Ovim ugovorom Korisnik povjerava obavljanje poslova fizičke zaštite vanjskog i unutarnjeg dijela objekta "Akademija likovnih umjetnosti", na adresi Obala Maka Dizdara br. 3 /Sarajevo, shodno Zakona o agencijama za zaštitu ljudi i imovine.

Ugovorom se reguliše okvir prava i obaveza Davaoca i Korisnika usluga. Detaljnije procedure, postupci i pravila su stvar usmenog dogovora među ugovornim stranama i uz obostranu saglasnost podložne su promjenama. Davalac je ovlašten da povjerene poslove samostalno obavlja u okvirima utvrđenim ovim ugovorom, na osnovu Zakona o Agencijama za zaštitu i na osnovu važećih propisa i procedura rada u prilogu ovog ugovora.

Obim i vrstu predmetne usluge, ugovorne strane najavljuju unaprijed pismenim putem-nalogom, shodno potrebama i prirodi posla tokom vremenskog važenja ovog ugovora.

II- SADRŽAJ I OBIM POSLA

član 2.

Davalac se obavezuje da će u okviru svojih ugovornih obaveza za fizičku zaštitu osigurati slijedeće:

1. Obavljanje poslova zaštite iz člana 23 Zakona o Agencijama za zaštitu ljudi i imovine.
2. Kontrolu i evidenciju lica koja ulaze u teritorijalni prostor -perimetar Korisnika, u vrijeme trajanja najavljenog dežurstva koje može biti svakim danom od 23,00-07.00 sati, sa po najmanje jednim izvršiocem u smjeni. U vanrednim stanjima po Korisnika ili nastankom potreba za neodložnom zamjenom unutrašnjeg osoblja na recepciji objekta, radno vrijeme dežurstva može biti i drugačije od planiranog, a što će se definisati pismenim nalogom.
3. Poduzimanje zakonom dopuštenih mjera i aktivnosti radi sprečavanja protupravnih i drugih radnji koje mogu nanijeti posljedice šticeu objektu, imovini ili licima.
4. Obavjestavanje odgovornog lica za sigurnost objekta o svim zapažanjima i promjenama koje se tiču obezbjeđenja ili su od interesa za sigurnost objekta.
5. Angažovati samo provjerene certificirane radnike shodno Zakonu o Agencijama, uz prethode konsultacije i odobrenje odgovornog lica.

III- CIJENA USLUGA I PLAĆANJE

član 3.

Korisnik će platiti eventualne troškove za izvršene usluge iz člana 2. ovog ugovora prema vrsti i obimu ostvarenog posla, a sve prema ukupnom zbiru aktivnih sati obezbjeđenja na kraju svakog mjeseca po cijeni od 7,00 KM +PDV po jednom satu rada fizičke zaštite. Plaćanje će se vršiti do 10-og u mjesecu za fakturisani period.

IV- OSTALE ODREDBE

član 4.

Ovaj ugovor se zaključuje na određeno vrijeme u trajanju od 12 mjeseci, počev od 01.01. do 31.12.2018. godine.
Svaka ugovorna strana može isti otkazati u pismenoj formi uz otkazni rok od 15 dana.


član 5.

Ovaj ugovor sačinjen je u dva (2) primjerka, po jedan za svaku ugovornu stranu.

član 6.

Sve eventualne nesporazume ugovorne strane pokušat će riješiti sporazumnim dogovorom, u suprotnom određuje se nadležnost Suda u Sarajevu.


Za Korisnika



Datum: 12.01.2018
Broj: 03-097/18



Za Davaoca:



Datum: 03.01.2018
Broj: 900/18